

PARADA DI MUCHA NA PLAYA A LUCI ENORME

ORANJESTAD(AAN): Por bisa cu ta danki na gruponan di carnaval di distritonan di afo, combina cu Aruba Tivoli Club, Silvia Lourens, Caribe, FC Phoenix di Playa, e parada di mucha di Oranjestad un biaha mas a luci enorme.

Manera ta custumber, for di Oranjestad mes masha poco ta participa den e parada cu ta carga number di Parada di

Mucha di Playa, pero ta e distritonan y esnan menciona ariba entre otro ta haci cu e tin grandura.

Ayera e parada a hasta pega pa basta minuut ora cu e cabez a topa cu parti di e parada na cruzada Wilhelminastrat-Fergusonstrat, Vondellan, Verbindingsweg, y despues di esaki a dura ainda un ora prome cu e parada por

a pasa, pa duna un idea di su largura.

Prins y panchonan, y tambe e reinanan a haya ayera otro disgusto ora cu a resulta cu nan no por a habri e parada, no tabata tin musica pa nan y nan no a ser permiti pa sigui dilanti y mester a dreña na un of otro lugar den e parada pa por a goza di dje.

E grupo di Tivoli y e gruponan di Noord a haci e parada

inmenso ya cu tabata trata di gruponan grandi, y no por keda sin menciona e grupo comercial di Koolaid y esun di Silvia Lourens, y Golf Fantasy cu a yuda den esaki.

Un total di 26 grupo a participa den e parada cu Centro di Bario Noord presentando un total di 600 mucha den e parada, sigui pa Tivoli y Silvia Lourens di Oranjestad, Dianan di siman di Santa Cruz cu tabata un belleza y grupo Ban Goza cu canticanan di mucha.

Di gruponan di afo, Coastal Fantasy a presenta cu no menos cu 200 mucha y tabata

un di e gruponan mas grandi den e parada ayera.

Di e 26 gruponan, cantidad tabata tin Sound System cu a yega un total di 16. Bandanan musical a yega 8, y Brass-band tabata 3 en total.

Trafico na Playa si tabata tur cera for di mainta, di manera cu no por a yega cerca di e ruta di parada y atardi pa por a dreña Playa a dura mas cu un ora, pa motibo cu mester a sali via aeropuerto of crusada di Mahuma pa tuma direccion pa Hooiberg. Mas despues a habri tambe a crusada pabao di aeropuerto.

CSS NO A TRANSMITI PARADA DI LUZ EN VIVO

ORANJESTAD (AAN): Contrario cu lo costumbre di dos añanan cu a pasa, e biaha aki si CSS no a transmiti e Parada di Luz di Aruba Tivoli Club en vivo.

Manera por corda, na aña 1990 Aruba Tivoli Club a bira e prome na Aruba cu a percura pa su famoso parada di luz worde transmiti en vivo y via satellite pa henter hemisferio occidental.

Na 1991 esaki a ser haci tambe en vivo, y ademas a transmiti e Parada di Carnaval di Mucha tambe.

Pero e aña aki si, segun DIARIO a compronde, CSS no a transmiti ningun di e dosnan aki.

Un fuente a revela si cu aparentemente CSS lo bay transmiti e 'grabacion' di e Parada di Luz, y posible-

mente esun di Parada di Mucha.

No ta conoci ainda pakico CSS no a transmiti e Parada di Luz aki. A ser muestra na DIARIO cu probablemente financiamiento pa e transmision lo no a keda cla.

Ademas, informacionnan cu DIARIO a ricibi ta indica cu siman pasa tabata tin dia cu CSS no tabata den aire mes!

Mientras tanto no ta conoci ainda si e Parada Grandi di Carnaval lo worde transmiti sea, vivo of graba.

BANDANAN A YEGA LAAT PA PARADA DI MUCHA

ORANJESTAD (AAN): E parada di mucha na Oranjestad tabata programa pa cuminsa 12'or di merdia.

Pero ora cu 12'or a bati, ainda mayoria di e bandanan no a yega ainda na e sitio indica pa nan "set-up" pa e Parada sali.

Por a compronde cu e Parada di Luz di e anochi

anterior lo a caba basta laat, como cu ta banda di 1'or di anochi el a cuminsa yega na Licores Aruba.

Esaki kizas tabata e motibo cu e bandanan no a presenta na tempo pa e Parada sali.

Te banda di 12:30'or e bandanan a cuminsa yega di manera cu e por a sali.

BARATILLO - BARATILLO - BARATILLO

Durante ambiente di CARNAVAL 38
na

WINDMILL

Colored Jeans, Braga, Short braga, Jacket, Short, Stretch y pa mucha tambe nos tin hopi cos. Nos tin hoyas di 14 kr. oro y holoshi tambe na special price.

Bishita **WINDMILL** den Caya prinsipal. Tel 35676

**VAN DORP 25 aña
na ARUBA !!!**

**GRANDIOSO CONCURSO
PA PUBLICO...**

entre 2 januari te 28 april 1992

* Ricibi un ticket pa cada compra cash di Afl. 25,- na Van Dorp Oranjestad y San Nicolas...

* Participa den e concurso cu e siguiente premionan:

- 2 pasashi ida y vuelta pa Amsterdam cu KLM
- 2 pasashi ida y vuelta pa Miami cu Air Aruba
- 3 encyclopedia di Antias y Aruba

Pronto tur cas lo ricibi un folder di e programa total di e celebracion di 25 aña VAN DORP na ARUBA.....

VAN DORP, YA PA 25 AÑA, NET EVEN...IETS BETER



Number: _____

Adres: _____

Telefoon: _____

Nº 1002

ONE TICKET FOR EACH FL 25,-



**e cerbez
di Carnaval**